


原 本 法 象



道藏輯要

金液還丹印證圖詩

五

胃集十一

原本詩曰

溟滓無光太極先風輪激動產真鉛都因靜極還生動便自無
涯作有邊一氣本從虛裏兆兩儀須信定中旋生生化化無窮
盡幻作壺中一洞天

原本者原我之本返我之元也即父母未生以前一點元陽
真氣是也人之始有其身皆因陰陽精氣之施化父母情性
之感合故男精先至女血後行血包於精則成女女血先至
男精後施精包於血則成男兒在母胞中隨母呼吸及期生
下剪去臍帶一點元陽精氣聚於其間亦如天地未分鴻濛
未判之時也混混沌沌圉圉圖圖全無發泄豈非溟滓無光

太極先乎及至日生夜長年壯氣盛先天眞一之氣不能久留於後天軀殼之中應時發現亦猶太極初分兩儀剖析豈非風輪激動產眞鉛乎陰陽動靜循環無端靜極而動動極而靜必無久靜久動之理全無發泄之時此其靜也應時發現之候此其動也因動而採先天眞鉛以爲丹基有氣而無質者也程子所謂易有太極是生兩儀太極者道也兩儀者陰陽也陰陽一道也太極無極也萬物之生負陰而抱陽莫不有太極莫不有兩儀網緼交感變化不窮也又云形一受其生神一發其智散之在理則有萬殊統之在道則無二致其斯之謂也此氣從自虛無中來乃太極初分先天太乙之精眞一之炁也非人可見可聞後天之精血也眞一之氣乃鉛之名也鉛者金也金生坎水之中故曰眞鉛也太乙之精乃砂之號也砂者汞也汞生離火之內故曰眞汞也龜蛇會聚於鵲橋虛裏兆也烏兔循環於黃道定中旋也前聖後聖口口相傳者此也採此先天太極初分之炁龍虎初弦始姤之精吞歸金胎神室之中溫之養之調之伏之生生化化變現無窮自然幻出一壺天也